

յանկեան ուրեք անխնամ և անդարման, զի ընդ տկարութեան մարմնոյ իւրոյ, ունէր նաեւ աղքատութիւն: Ամիրայք խոստացան տալ յիւրաքանչիւր ամիսս 250 դահեկան, վճարել զամենայն պարտս նորին, և հանգիստ նստուցանել զինքն 'ի վանքն Իսկիւտարու, և չհասուցանել վիշտս ինչ ինքեան և իւրոցն: Յետ այնորիկ յանձն արարին նմա ընտրել զուր Պատրիարք 'ի տեղի իւր զո և կամեսցի, և նա ընտրեաց զՏաթեւացի Մելիքեան զԱբրահամ Եպիսկոպոս, որ էր յայնժամ 'ի Ս. Սաչ եկեղեցին Իսկիւտարու, և առաքեալ զմանս ածին զնա և բազմեցուցին առ Պատրիարքին, և նա լու 'ի լու բազմաց յանձն արար նմա օրհնութեամբ զիշխանութիւն Պատրիարքութեան, և նստուցեալ 'ի տեղի իւր խոնարհեցոյց զգլուխն, և ամենեքեան ուրախութեամբ մատեան 'ի համբոյր աջոյ նորին, և կոչեցեալ զԱտենադպիրն ետուն գրել 'ի Դուռն զառաջնոյն հրաժարիլն և զերկորդին ընտրութիւնն, և կնքեալ զայն առաքեցին 'ի ձեռն Փոխանորդ Պօղոս վարդապետին եւ երկուց աշխարհականաց:

Ապա յանձն արարին Ամիրայք զնոր Պատրիարքն Փոխանորդին Երուսաղէմի՝ պահել զնա առ իւր մինչեւ ըզգեցցի վերարկու պատուոյ: Եւ յերեկոյին զնաց Աբրահամ ընդ Փոխանորդին առ Յովհաննէս, և զինի ուրախութեան, ետ ընծայս առաջինն յաջորդին իւրոյ պատուական գորդ մի, զմրուխտ ազնիւ մատանի Զաքարեայ Պատրիարքի և զերկոսին գաւազանս իւր և խնդրեաց անդորր և հանգիստ պահել զինքն և զսպասաւորս իւր մինչ 'ի վախճան: Եւ զինի 5 աւուրց դնացին հրաւիրանօք 'ի Դուռն մեծաւ բազմութեամբ եկեղեցականք եւ աշխարհականք մեծահանդէս փառօք, և 'ի հասանիլն 'ի Դուռն Փաշային մուծին զնա յԱրքեպիսկոպոս, ուր էր Տեղապահն. անդ զգեցուցին վերարկու պատուոյ Պատրիարքին, Աստուածատուր և Կարապետ Եպիսկոպոսաց, Երուսաղէմի Պօղոս և Սահակ, և Ս. Կարապետի Փոխանորդ Վարդապետաց, և Գաբու Քեահեայսի Գէորգայ ըստ սովորութեան ժամանակին, և անտի զնացին առ Քեահեայ Պէյն, որ 'ի պատիւ նոցին ետ բերել խնկանոց և վարդի ջուր, զի աւուրք ծովապահութեան էին, և ապա չոքան առ Բէկը Էֆէնտին